



Minggu, 20 Maret 2022

Ogen: LUKAS 16:10-12



TUTUS BAS SITIK



Kerina kalak ersura-sura jadi kalak si sukses. Kegagalan jadi sada hal si erbahanca turah kebiaren. Tapi gelah enggo sieteh, ras-ras maka labo lit keberhasilen reh bage-bage saja. Kegagalan e erdalan jadi sinaruhken kalak kubas keberhasilen adi beluhlah kita ngidah kai si jadi penyebab kegagalan e jannah la putus asa erkiteken sada kegagalan. Sura-sura meganjang si la nggit erdalan alu proses pe megati jadi kendala i bas kita meraih kesuksesen. Contohna saja eme anak si nguda i bas rumah Bapana, si mindo bagin erta si mbelin man bapana, nina guna usaha, tapi erkiteken selama enda pe labo ietehna uga mengelola perduiten, mengelola sura-sura dungna ndabuh ia kubas cara nggeluh si ngkeriken kiniliten e, piah enggo musil.

Emaka i bas kita Lukas enda, ituriken Jesus tole man ajar-ajar uga carana gelah kerina ia jadi kalak si berhasil ngaturken erta-erta Dibata Bapa. Sada kunci rahasiana eme setia i bas perkara si kitik. Setia i bas perkara kitik ertina, la kitiksa siakap pendahinta, la rendahsa siakap bicara si benaken dahinta amin la gia mis kel ndatken untung si galang. Meteh ngatakan bujur man Tuhan adi nggo ngasup kita setia ras disiplin ndahiken dahinta. Meherga siakap waktu, la sia-sia siban. Batang kayu galang pe rehna i bas benih si kitik nari, sitetap ndatken lau ras ndatken nakanna alu konsisten. Emaka guna jadi kalak si mbelin e, carana eme alu ertanggungjawab man tugas si kitik-kitik pe.

Tuhan pe malem nge ateNa adi kita jadi kalak berhasil, la saja berhasil bas doni tapi berhasil pe bas hal pertendin. Adi setia kita tetap, disiplin i bas paksa teneng, penembahen, persembahen man Tuhan, tek kita isediakenNa si terbelinen si man kep-kepenta, si tentuna pe upahna belinen isediakenNa man kalak si patuh man baNa.



Blank writing area with a light blue background and a wavy top edge.